

AD CARDINALITIAM.  
**QVÆSTIO MEDICA**  
 MATVTINIS CONCERTATIONIBVS DISCEPTANDA IN SCHOLIS  
 MEDICORVM PARIS. DIE MERCVRII XXIV MARTII. M. ROBERTO LE SECQ DOCTORE MEDICO MODERATORE.

An senibus Exerctatio.

699



**N**ILLVM est animal genitum, quod senio, & corruptioni non sit obnoxium. Illud arte Medica retardari potest, nullatenus tamē cuitari: sua cuique *μείζων προσημύνη* Calor innatus, qui nos generauit, nutrit, & auxit, tandem & demolitur: Et qui primis ortus nostri principijs benignus & humidus fuerat, frigidus & siccus euadit. Illius per ætates, & anni tempora maxima fit mutatio: pueritia calida humida; frigida sicca senectus; hæc morbus non est. Sanitatis est ampla latitudo. Somnum liberaliorem, & dulcia pocula bacchi feculentur senes: Venus, hyems, cura, moerores, vigilia illis inimicissima. Rarius tentantur morbis acutis, sed qui his accidunt, maximè comitantur ad mortem; nec febres ijs, vt in pueris similiter acutæ, *κατὰ τὴν γὰρ τὴν αἰσθητικὴν δύναμιν*.



**C**ORPORA excrementorum prouentu abundantia deteriori valetudine fruuntur; Nec non qui natura valde crassi, torpidi, segnes, qui nullis sese corporis motibus exercent. Animata quæque principium in se motus & quietis habent; Nihil obstat, quod aliquid primò & per se à seipso moueri possit. Motus vehementior calorem excitat, qui aliàs paucus, debilis, & à nimia pituitæ copia oppressus in corpore, varijs membrorum motibus, se se promit, adauget, & functiones melius perficit. Motuum velocitas gracile, musculosum, durum, compactum, vegetumque corpus reddit; tarditas contrà languidum, & imbecille. Nemini autem dubium est, quòd ea, quæ calor innatum excitant, conferuant, & augent valissimam non sint; quòd enim calor vegetior, eò & vita foelicior.



**A**TQVI exercitatio calorem auget, coctionem iuuat, sanguinem attenuat, spiritus naturales, vitales, & animales, specie distinctos calefacit, multa corpus exsiccat, mediocri obefum præstat: Cane ne hanc à cibo statim adeas: vt calidis natura, & biliosis nocet, sic frigidis & pituitosis confert. In imbecillibus, nec se exerceat potentibus frictio vicem exercitationis tenet; si sit mollis, partes etiam corporis emollit, totum habitum laxat, tertiz coctionis excrementa eluit; Verùm multa corpus attenuat & macilentum reddit, mediocri mediocrem, bonumque habitum inducit. Cesset autem exerceri quis, cum totum corpus æquabiliter intumescit, color in vultu floridus splendescit, & sudor vapore calido mixtus singulas partes perfundit.



**V**ERE diuinus cecinit Hippocrates *ἡ γυνὴς ἐν τῇ αἰσθητικῇ δύναμιν*. Quies est cessatio motus. Nimia morbos affert quamplurimos, eosque sæpe frigidus; senibus quidem difficultates respirandi, distillationes cum tussi, vrinæ stillicidia, articularum dolores, Nephritides, Vertigines, apoplexias, prauum corporis habitum, pruritus, oculorum, & narium humiditates, *ἀμυδρυνότητες, γλαυκώσιαι, βερρυροίαι*. Senes sunt meticulosi, melancholici (qui & omnium prudentissimi) memoria parum firmæ: pituitam & excrementa multa congerunt, crudos & incoctos succos gignunt: Purgandi sæpe blandis phlegmagogis, decocto vel infuso foliorum orientalium, catholico, hiera picra, enematis emollientibus, detergentibus, crassam pituitam incidentibus, specificè partes roborantibus, vt chicoræcis hepar, betonica cerebrum, alkekengi renes, pulmonaria partes respirabiles; vitando ea, quæ tota substantia partes ipsas lædunt, & exulcerant.



**Q**VARE prudens Medicus & *ὑποκρίματος* quidquid ad senum sanitatem & conseruationem conducet, diligenter explorabit: Alimenta itaque *ἀναισθητικὰ, καὶ ἐν γαστρὶ* crebrò, sed parca manu ijs exhibebit, vt aues montanas palustribus præferendas. A piscibus præterquam saxatilibus abstineant: Mel & salita illis conducunt; nec non vinum calidum & humidum. Sed cum exercitatio inter causas sanitatis conseruatrices præcipuè numeretur, senum omne corpus imbecillum, nec potens alimenti multum attrahere, eòque probè nutriti (si sit moderata) fouebit, robur vitale iuuabit, sensus & facultates sopitas excitabit, distributionem cibi validiorem promptiorèque efficiet: vide tamen, ne dum fit aut cruditas adsit in ventriculo, aut incoctum alimentum; id ex vrinis & fæcibus certò scies.

Ergo senibus Exerctatio.

146



Proponēbat Lutetiæ IOANNES BONIER Molinensis, Anno M. DC. XXVII.